

贊海

人事


五十九六十

集選

			八	漢
		一	〇	書
		六	九	門
三	〇	四	三	
冊	架	函	號	類

庫文閣内			
三	〇	六	漢
冊	架	函	書
三	〇	九	
冊	架	函	類

庫文閣内	
番號	漢 8069
冊數	30 (24)
函號	367 117



綴じ部(喉部分)の文字等が開きが不鮮明な場所あり



黃海五十九

紀切近海之一

十三冊

三卷

續武庫



贊海卷之五十九

竹石齋

贊海卷之五十九

人事  
已口

太尉陳公贊

原蔡邕

公在百里、有西產之惠、賜命  
伊何、兆民其觀、少者是懷、老者是安、細紀文王、文  
王用卒、東督京輦、京輦用清、乃登三事、三事攸寧、  
契稷之位、具于堯庭、今則由古、於穆誕成、



澤親百家集



猗歟焦君常比玄墨衡門之下  
栖遲偃息泌之洋洋樂以忘食  
鶴鳴九臯音亮帝側迺徵迺用  
將受衮職昊天不吊賢人遘  
厄不惟一志并此四國如  
何穹蒼不詔斯或惜哉朝廷  
喪茲舊德恨以學士將何法則

焦君贊

蔡肇為人

*[Faint bleed-through text from the reverse side of the page, including characters like '焦君贊' and '蔡肇為人']*



南陽文學儒林書贊  
南陽太守上黨鮑君愍文學之弛廢懷儒之陵遲  
乃命匠修而新之崇肅之之儀楊濟之之化

南陽文學儒林書贊

國原 張衡

南陽太守上黨鮑君愍文學之弛廢懷儒之陵遲  
乃命匠修而新之崇肅之之儀楊濟之之化

漢魏名家集

古文苑 十三

懷儒  
於有朕  
皇









Vertical columns of faint text, likely bleed-through from the reverse side of the page.

鈕滔母序贊

左九嬪

夫人姓公孫氏會稽人也資三靈之淳懿誕萃  
宗之澄粹奇朗昭於齟齬四教成於弱笄慈惠  
溫恭行有秋霜之潔祗心制節性同青春之和  
敦悅憲章動道禮服規居室則道齊師氏有行  
則德配女儀禮服有盈遵豆無闕

猗歟夫人天資特挺行高冰潔操與霜整性揚蘭  
芳德振玉穎猗彼瓊林奇翰有集展彼碩媛舍德  
□□動與禮遊靜以義立

古文世編







有覽有祥為晉室公輔時徐州刺史呂虔檄祥  
為別駕虔有佩刀工者相之以為三公之器虔  
謂祥曰苟非其人刀或為害卿有公輔之量故  
以相與祥固辭不獲而後受之祥在魏為司空  
太尉封睢陵侯晉武帝踐祚拜太保爵為公年  
八十餘賜几杖不朝為國元老祥臨薨以佩刀  
授其弟覽曰汝後必興足稱此刀覽拜光祿大  
夫封即丘子門施行馬覽生撫軍長史裁裁生  
丞相始興文獻公導匡輔中興遷都建業元帝

倚以宰衡之任而王氏盛於江左矣其緒也則  
悅洽珣珉以弘雅清亮重於時其傍枝也則渾  
戎衍經以曠達夷坦高於物若乃器宇崇邈風  
鑒昭朗則宋侍中左光祿大夫開府儀同三司  
特進豫寧文侯其人也忠肅恭懿宣慈惠和則  
宋侍中金紫光祿大夫開府豫寧忠敏侯其人  
也開物成務緯地經天則齊中書監尚書今太尉  
南昌文獻公其人也廉正澄絜恬虛簡潤則梁  
侍中金紫光祿大夫中書令南昌安侯其人也



美幹英姿通機敏藝則梁侍中金紫光祿大夫  
五兵尚書南昌章侯其人也博學高才鴻筆麗  
藻則周內史太子太保驃騎將軍開府儀同三  
司司空司徒石泉康公其也有典有則如珪  
如璋則隋安都郡太守石泉侯其人也道韻清  
穆德徽光劭則太子舍人荆王府司馬皇朝贈  
魏州刺史其人也其餘枝分葉散岳峙川流孝  
範忠規仁聲義烈女嬪帝子男尚王姬公侯保  
輔之尊令僕卿尹之貴紐龜鳴玉紫蓋朱軒赫

弈蟬聯續紛菴藹市朝亟改而无替舟壑驟遷  
而不易衣冠禮樂百代傳之而比肩人物風流  
四海望之而延頸豈不美哉雖復魯三桓之子  
孫鄭七穆之宗族晉之欒范齊之國高張氏之  
七葉貂蟬楊家之四世台衮石奮石慶恭脊重  
規胡質胡威清廉疊軌父子儒學栢榮與栢郁  
相承兄弟文章陸機與陸雲齊舉未足以延茲  
家範麗我門輝所謂積善之家必有餘慶盛德  
必有百世之祀者也善乎郭景純之言淮水絕



王氏滅此非其效歟石泉公承積德之基挺舉和之氣髻亂之歲便能竭力以事親其性純篤率由而至精神朗悟恃異常童好學讀書略无懈倦常研味經史雖寢食有所不遑纔及成童已為博達朋侶推薦束髮而就列焉歷仕州郡咸以材能底績既以賢良文學舉又以夙行公方進遂乃昇臺府拜卿僕三典名嶽一佐神州始學之今得而行之以明察禦姦豪以慈和撫孤弱以謹靖成公務以清白杜私求珠玉非所

寶脂膏不能潤故能所廣者紀不令而行千里應其言百姓歸其德所謂愷悌君子人之父母者也及其翔鳳池執螭劍出納王命弼諧帝猷理在將順怡然而奉旨事當進色侃然而犯鱗常欲興禮制樂簡刑寬政獎儒術抑吏道正風俗厚人倫乃遽瑗之忠誠史魚之端操孟公綽之不欲季文子之無私羊興祖之衣惟葛袍公孫弘之食惟粟飯陳寵之奏藁咸削孔光之溫樹不言我之行事立名殆出於數公之右矣由



是特為上所親倚，常以忠賢許之。其好古博雅，  
述作無倦，遊心於千載之表，騁思於九流之域。  
雖堆按盈机，積訟充庭，汗簡懷鈇，晷刻无捨，所  
莅之職，由中及外，或考其事，或相厥土，博採前  
志，旁求故實，輒加撰錄，無或闕遺。至以祖德家  
聲，前言往行，追述編紀，動成部帙，有忠孝之道  
焉，有禮義之規焉，有經邦之則焉，有正家之訓  
焉，固可以詒厥孫謀，播乎長世者也。易曰：君子  
體仁，足以長人；嘉會，足以合禮；利物，足以和義。

貞固足以幹事，又曰：君子進德修業，忠信所以  
進德也。修辭立其誠，所以居業也。又曰：君子學  
以聚之，問以辯之，寬以居之，仁以行之。詩曰：瑟  
兮僖兮，赫兮烜兮，有斐君子，終不可諼兮。道盛  
德至，善人所不能忘也。又曰：樂只君子，邦家之  
基。又曰：嘉樂君子，顯顯令德。且民且人，受祿于  
天。若石泉公者，可謂備君子之德矣。其為聖朝  
輔佐，受天之祿也。且哉贊曰：

仙緒山賓，靈液流津。積德累仁，生賢清神。孝以事



親忠以為臣履道正身秉國之鈞君子哉若人上  
德哉若人

西夏相韓公畫像贊

元虞集

公姓韓氏其先靈武人從夏主遷興州世掌夏  
國史公諱道冲字宗聖八歲以尚書中童子舉  
長通五經為著漢教授譯論語註別作解義二  
十卷曰論語十義又作周易卜筮斷以其國字  
書之行於國中至今存焉官至其國之中書宰  
相而歿夏人嘗尊孔子為至聖文宣帝是以画  
公象列諸從祀其國郡縣之學率是行之夏亡  
郡縣廢於兵廟學盡壞獨其州僅存其迹興州

虞集



有帝廟門勝及夏主靈芝歌石刻涼州有殿及  
廡至元間公之曾孫雲南廉訪使道明奉詔使  
過涼州見殿廡有公從祀遺象敬歎流涕不能  
去求工人摹而藏諸家迨祐間荆王修廟學盡  
撤其舊而新之所象亡矣廉訪之孫奎章閣典  
籤王倫都審以禮記舉進士從予成均於閣下  
又為僚焉間來告曰昔故國崇尚文治先中書  
與有功焉國中從祀廟學之象僅存於兵火之  
餘而泯墜於今日不亦悲夫先世至元所摹象

固無恙也願有述焉以貽我後之人乃為錄其  
事而述贊曰

西夏之盛禮事孔子極其尊親以帝廟祀乃有儒  
臣早究其謨通經同文教其國都遂相其君作服  
施采顧瞻學宮遺象斯在國廢時遠人鮮克知壞  
宮改作不聞金絲不忘其親在賢孫子載圖丹青  
取徵良史

元文類



黔寧王世家誥券贊

并序

明童軒

誥文四十五通券二。廼我朝列聖賜黔寧王世家之恩典也。今鎮守雲南總戎黔國公出以示軒。徵言以為之贊。伏觀王室勲德之隆。而天朝報功之厚。君臣之間。恩義交孚。真千載之一遇也。其視漢高帝之於韓彭。唐太宗之於侯魏。文鳥可以同年語哉。於戲盛矣。謹拜手稽首而為之贊曰。

維昔元季。草昧失鹿。海內沸騰。毫社已屋。天啓聖



漢

人挺立淮甸、義旗一揮、東征西怨、代虐以寬、易暴以仁、來蘇、漢后、順天應人、惟黔寧王、適丁其運、龍虎風雲、千載斯慶、乃奮天戈、乃拔鉛山、如雷如霆、如飛如翰、進搗閩溪、閩悉衆守、我武維揚、如拉枯朽、關陝未孚、王諭寧之、川藏未款、王伐卒之、既降朶工、復掃群醜、胡孽就擒、知院授首、于時海宇、以次廓清、蠢爾蠻滇、猶弗來廷、帝謂爾英、爾其往定、王率三軍、一戰而勝、帝謂爾英、滇實遠夷、爾留是守、以撫以綏、乃錫榮恩、冊書鐵券、帶礪山河、永矢

皇

弗替、繼有西平、亦克象賢、桓桓威武、遵憲罔愆、再傳定遠、挺挺樹立、折衝尊俎、儒將是匹、討定叛夷、圖功攸終、誥券再頒、恩典惟崇、四葉黔國、仍昨滇上、訓士練兵、張望威武、今公嗣爵、克篤忠貞、聿修文教、大誥戎兵、恩威並施、夷羅歸心、無或我貳、璽書下旌、龍文赫奕、裕後光前、振古罕及、豪邁英賢、猗歟沐氏、惟孝惟忠、與國咸休、永世無窮。







南史高僧傳贊  
南史高僧傳贊  
南史高僧傳贊  
南史高僧傳贊  
南史高僧傳贊  
南史高僧傳贊  
南史高僧傳贊  
南史高僧傳贊  
南史高僧傳贊  
南史高僧傳贊

少京兆龐君秣陵生祠小像贊

明何遷

恂然而持者，彌唐恭儉之容，儼然而思者，彌唐憂勤之色。彌唐官依乎朝請，而心切於閤闈；身被乎冠簪，而事勞于田畷。秣陵之曲，路口之隅，肅乎其立，戚乎其趨。席將安而屢起，言當辨而若愚。彌唐之至於斯也，其荷鋤籍畝之時耶？其斑荆論道之時耶？

古陽山房文集







不可以博文也。則遠遊以廣志，屈身不可以直道也。則反旆以旋歸。方其往而北遊，渡揚子，睇金焦，瞻京口之巨麗焉。涉淮泗，觀呂梁，識河流之有本焉。遵汶濟，歷鄒魯，覲聖賢之舊里焉。趨燕冀，寓京都，望宮闕，而思皇圖之宏遠焉。察謠俗而知土風之感慨焉。接縉紳而嘆人文之美盛焉。所以發才瞻智，增益所不能者，至矣。及其反而南歸，聚徒鄉塾，亶亶乎立教之勤焉。結社詩壇，颯颯乎絃誦之遺焉。舉鄉飲賓，周旋尊俎。

用  
未斌斌乎儀文之雅焉。古之所謂老更素如其近之矣。是故處幽潛，德抱奇內光。鴻冥寰區之上，蟬蛻塵壒之餘。勢利等之雲浮，玄遠符於天籟。是謂素心寡營，謝挈餅之智，周拙甘抱甕之勞。通性命之幾微，研道德之精奧。狹世路為頗側，蹈天衢而坦然。是謂素行，進不謀仕，以圖榮退。不力耕以自給，雜闡闡之囂煩。邈山河而湛若生，徒來學褭耜相從。雖短資身之策，而無奪楮之虞。是謂素業。昔者少傅顧文康公贈之言曰：



剛柔全德屈伸順義大道無常與世推移中丞  
章陽華公贈之言曰窮達者命顯晦者時可窮  
可達可顯可晦者道二公皆吳之大賢也其許  
與若此是不可觀先生哉素如載遊海上予挹  
高風傾蓋如舊間出鄉達序贈之文示予索予  
言予不克辭廼為讚一章以旌善人附諸君之  
後辭曰

倬哉姚君吳會攸居鍾靈二八毓秀具區懷芬襲  
采秉蘭握瑜甄情文學哲士之摸俗不之浼涅不  
之汙遐蹤皜潔是曰素如皎皎素絲惟所染之可  
玄可赤墨子興悲道一而已二之則岐曷損曷成  
曷虧綺繡藻繪疣贅枝離惟質之磷惟道之疵猗  
歟先生抱一自守弱冠窮經騰茲皎首諦視道樞  
爰鞭其後情適鳶魚字窮科蚪迹冥虛無光資妙  
有允矣素如不落氛垢優游衡泌棲息化鈞以璞  
為體以靜為君無焚而和無滑而真舒卷隨時太  
空閒雲狗名若利木伐蘭薰君保貞素用垂令聲

曷增



董中岡大理贊

明潘恩前

大余觀董大理葬錄而知子元先生之孝之純也  
先生之父中岡公少負敏才長膺時譽文藻詞  
翰胥擅厥長伯仲甲科隸華孝暎拜官水部最  
績徐洪轉擢刑曹讞斷明允既而晉陟廷尉積  
日累資非有所附麗然也公練習法令天下稱  
平值武廟逆瑾擅權覺露言官追論時事飛語  
及公遂落職南還非其譽也公嘗上書自明不  
報會今上御極覃恩詔冠服閒居無何考終正



載

碑

軌

寢夫人臣蒙詔失志悒悒終身孝子銜恤因伸  
 遑遑在疚緣性達情懇乎其至誠觀諸君子之  
 碑之銘之傳之贊體裁典雅意指淵深援証明  
 切雖言人人殊均之足以發舒幽憤闡揚孝思  
 者矣予讀而豔之廼綴數言爰昭懿美詞曰  
 顯顯董公英資秀峙靈鍾泖峯材同杞梓經學承  
 家甲科繼軌筮仕冬官賢聲茂起再擢秋卿荐登  
 大理天下之平寮屬之楷九列名馳燁燁鞞鞞謗  
 言胡來掛冠歸里玉掩于瑕金銷于燬抱恨黃壚

齋志莫失先德弗章嗣人之耻論撰表揚非文曷  
 以碑以載之傳以永此撫實直証別疑審似儕董  
 於康義類不詭作者為誰良哉太史忠憤斯宣詔  
 垂來祀曰千百年有考在是孝哉子元可謂能子

望江迎福







借否各適其適不辭行以溢志不微欲以叛道所以樂命運立義制也安陵張公為濟三年治政廉平百姓謹誦未幾以病三致政於有司得歸嗟夫此非微於變化篤於立義者與吾聞張公有言曰榮行不如適性兼任不如守約夫進則仕職得聖人變化之權也退則樂行得賢者立義之真也易曰君子見幾而作不俟終日張公似之矣苟曰上下易方台衡有司易遜張公陸沉宜若不相及然蓋不知黃鵠一舉千里斥鷃翱翔蓬蒿松菌同斃

彭殤齊年此皆達天地之化忘物我之觀者也且夫李斯嘆黃犬邵平匿東門張湯載以牛車長孺沒於淮陽董賢赫於成室楊雄隱於太玄何得於彼何失於此哉張公非台衡之任則有古傑士之行其陟泰山踰梁父跨溟渤尋務光揖涓子御六氣之辨而遊造化之外也余何言

蟻蝶集



塘湖甘先生墳

馮時可

塘湖甘公宮前，虔之信豐人也。字宗奇，其先家  
 故饒。迨公父母早棄，孳孳孤，為諸惡少所誘，  
 斂捐千金，購之得解。家始膏落，稍長讀書，不屑  
 屑佔俾。已去為郡功曹，良久。又獻之曰：大丈夫  
 致身當如大圭，登廟。天馬出群，炎炳海沃，勳名  
 暨天下。右則連蹇自遠，龍蛇而草莽之爾。奈何  
 僕僕人下，若瓦礫，駕駘為。於是盡任其產，治裝  
 重齋，以意徜徉於几，涵岬之峰，汪洋之川，却蓋



謝杖直往徑度所至輒記其闕微要害交其賢  
豪長者因著為九邊圖說古今形勝圖弛弛如  
也間則召客盡矢博奕拔瓊射覆令雙鬢孀粒  
者歌采蓮白苧新聲瀟日浹月人莫能測歲不  
過一再就舍輒與賓客俱家雖旁落能緩急親  
黨傾囊勿問也既衰乃葺一室自老不復事杖  
屨謂子若孫曰齒角有分吾已取奇勝於天豈  
能復丐豐饒於天吾老矣無脂田甲宅貨布金  
錢之贏遺若所遺若者以善以安耳度俗鬻產

予人者每以賤值為訟輒得厚償人有憐公貧  
者以此策從吏之公曰去去乃公雖困甚自有  
天際真人想肯效齷齪市人哉居家訓子姓以  
道義相規飭里中私閩者必求直於公公為片  
言解去其不善者惟恐公知多慙悔自改所著  
有傳家易見水東鄉約公有二子伯文重仲文  
炳仲之子今廷尉紫亭先生廷尉少時穎異不  
凡公拊而督誨之古今史籍至夜分不休以故  
廷尉能熟知天下條貫國家表裏敷進謨謀為



當代名臣嘉靖丙寅秋九月公疾革目廷尉曰  
勉哉良農積穀大賈積珍吾所為穀與珍者在  
子若他日能以我所施於桑梓者效之天子為  
社稷舉大物吾即老死何憾嗟乎先生蚤歲高  
賞子爾義不受齟齬而用購以免及薄郡功曹  
又輒廢著而事遠遊迨攬形羞髮始銷其雄心  
逸志而跽伏蓬華以老跡其前後何計畫無俚  
乃爾然先生所志在大能芥視千金而塵視一  
爵俯仰山河圖形指勝卓然似有所負者晚節

飭躬以長厚直方之行薰漸里人豈所謂為九  
州之被則不足為襜褕單衣則有餘耶先生沒  
而廷尉隆隆起九州之被始經緯於是嗚呼先  
生不死矣時可在鄭陽廷尉曾以尺一遺不育  
欲有言以志乃即教太史所傳為之贊贊曰  
世皆攘攘誰不競錙銖而爭往翁乃蕩蕩世皆碌  
碌誰不博纓綉而相逐翁乃謾謾宛舌垂頭以脫  
韁鞅所見何道把臂拂衣以攀屈屣所寄亦奇著  
撰翩翩匪藻匪玄而飭八埏訓約昵昵為砥為礪



用悖百世吁嗟乎翁始依終儒始托終逃為篤行  
而不為名高 馮元成送集

*[Faint bleed-through text from the reverse side of the page]*

替同社公贊傳

明董其昌

桓二將軍忠廉勇義昔鎮三陟奇功鮮二歌凱獻  
浮告成飲至史不絕書府不停賜蹀血窮邊角巾  
私第帝鑒忠勲拊解興喟鄂國汾陽適當吾世含  
毫削牘用書厥事 容齋集

臺

*[Faint bleed-through text from the reverse side of the page]*

十傳...  
左







喬甚多吾安得不表章邵氏以砥末世哉

*[Faint bleed-through text from the reverse side of the page]*

無憂園全集

潛

瑯琊先德贊

三子附

明

王世貞

不肖貞既獲購鄉賢大夫士之像而贊之矣於  
先德乃泯泯焉則何所道罪乃復摹集成冊自  
先大王父贈司馬公始至亡弟太常少卿敬美  
不揆愚陋竊效推測之知僭為之贊而敘之夫  
寬博恬恬不顯其積去町削畦以貽後人則贈  
公之行也仕不媚上善不近名以拙養和歲計  
有餘則工部公之行也吏治赫赫去後見思大  
度深仁與物同體則司馬公之行也虛心實腹



動止自矩，殉國愛民，知無不為。御史大夫公之行也。宦薄自解，垂橐蕭然，坦外夷中，戲不詭道。則黃坡令公之行也。進退取予，均有定見，嚴冷簡重，居然前輩，則學憲公之行也。秀發端疑，周詳淹理，文彩絕世，行復傲然，此太常弟之行也。雖名壽未躋，手睢陵勳位，少遜乎始興，而裔出仁里，生當休代，拾量弘濟，行術純潔，皆存則為儀歿而可社，陰德流衍，子孫代食者也。詩云：高山仰止，景行行止，寧有覩此而不肅然。恭躍然。

慕者乎。儀部光州運使附烏，差亦不忝。封知縣，累贈南京兵部右侍郎。先大王父夷菴公諱，字尚殷，少讀書修行，不樂仕進，忠信純切，與物無迕。家大人嘗語不肖，公有田三千畝，歲收不能盈一困，里中有丐者，借貸者，以其時至，則令從佃人所取資，故也。而又嗜酒，好客，每晨起坐于門，里中兒過之，小堪坐談者，輒呼入而酒之，酌訖，至暮乃散去，不復問姓名也。張淑人聞，謂曰：生計曰薄，奈何。公笑指少子曰：此鉞



花金帶人也。謂長子僅釵花銀帶人耳。或可望  
金。我何憂貧少子者。王父司馬公也。長子則工  
部公。五品而以老。遇詔恩賜爵一級。得橫金。蓋  
公嘗造胡僧受相書一卷。遂得其妙云。然不輕  
為人相。贊曰。

有產而不營。有術而不以名。可仕而不求榮。不知  
者以為天之長物。而知者以為淑不新成。其水之  
濫而木之前也耶。

先伯祖易軒公者。諱僑。字德高。成化乙未進士。

授江西武寧令。外艱歸服。除補山東曹令。前後  
九載。始入為南京工部營繕司主事。內艱歸服。  
除補故官。久之。進都水貲外郎。復為營繕郎中。  
授奉政大夫。以老疾致仕。用兩宮尊號。恩進階  
四品。卒年七十有四。公為人誠直詳謹。恂悞無  
華。凡兩為令。俱有及民之政。而不善事上官。取  
聲譽。其在郎署亦淹久。成進士者二十七年。而  
不登方面。晚而僅有金緋。以為林下飾。意泊如  
也。與先大父司馬公昆弟。大父事之甚莊。贊曰。



禍其服驚其貌不以為田父則亦鄉三老乃儒而直乃吏而循課績不後人而官次不先人噫嘻公於名實所謂居其主而盡却其賔者耶

嗚呼此我王太父少司馬質菴公之像也貞不能及公而以歲時展謁公像蓋凜然悚然已又戚然孺慕也工摹而小之僅志大都耳小子何敢述焉有王文恪喬莊簡諸公之碑志在公諱字用檢別號質菴自分水徙而崑山為邑弟子已割崑山之支鄉為太倉州遂為州人舉進

士授山陰令甫七月父憂歸政聲赫然冠八邑邑人祠之服除補餘干以計破信豐大盜復持母喪憂歸補蘭谿其所著循吏聲大較如山陰其人祠亦如之入為南京山西道監察御史以謇直明幹聞嘗偕其寮劾汗遜郎橫中貴人及尚書方面大僚之不職者俱報可進貴州兵備副使時新中米魯禍公柔而綏之以一威威大悅服革歸補瓊崖兵備崖州千家村黎叛公當用兵數移師期以怠賊忽率兵擣之遂盡



破平其巢，奏立千戶，所黎遂戡，郡人壽祠記之。  
亡何，進廣西按察使，遂進廣東右布政使，破誅  
陸賀若首，活其從，遷四川左布政使，察錢谷，出  
納稽故弊，洗之。時大盜藍邱勢張甚，且逼省，有  
議焚鄆民居以遠賊者，公曰：「是非能遠賊，乃張  
賊也。」令洞開諸城門，嚴兵以待之，賊聞不敢逼。  
彭公為總師，檄州邑課私馬從軍以萬計，公匿  
弗下，而令右鄉落馬入城避賊，其緩而遺馬賊  
者死，馬既入而後課之，數具足。又檄司以明日

日中餉熟糧四千石于軍，公督市戶分道抵軍。  
日未直春數溢矣，彭公竒而補之，拜右副都御  
史，撫順天屬邑大饑，公請通倉米拾萬石賑之。  
未至，先給軍官俸兩月直，而所在貿奉米以賑。  
米至，民不饑，所全活以萬計。東虜入寇，公會兵  
討之，此馬蘭峪，乃策曰：「賊詞我西，必以東擣我  
虛矣。」為三覆以待，賊果潰，東墻入，伏發，斬獲過  
當，悉徼其被鹵男婦歸。久之，進南京兵部右侍  
郎，公老矣，後先凡十餘疏，始得請給驛還里，且



命有司。歲時存問。蓋異數也。卒年七十五。公孝友。天性好施予。豁達大度。家產不能及中。豪而割其田千畝。為義莊。以贍族。所居官廉而不務。繳繳。名。凡三令巖邑。其民之思之。雖桐鄉。密縣。不過也。吳人至今稱公。比于范文公云。吾族元世。芳馨。謂者不能悉稱。公其藹然。天地生物。心即目中。無兩也。公輕眉禿鬢。秀目細而長。矍然。若不任衣者。贊曰。

昔我元公。濫觴于王。始興濬之。長淮湯湯。厥流千

荒

年。寢微忽昌。萬生府君。佩德不忘。三令劇邑。咸樹之棠。仁則祥麟。直為神羊。雙轅欲耳。驟驛夷荒。心不泉易。操偕鬢霜。叱馭叩味。不為子陽。又若營平。白首籌羌。晚而偷然。為政于鄉。若菴若倪。我喪我。糗是味。是歌小異。庚宗。四候序分。獨居春陽。五福所膺。富則小莢。凡我子孫。食耶曷量。振振繩繩。以莫不慶。府君之像。如嶽斯蒼。府君之流。復與淮長。黃陂令任齋公憬者。為諸生。舉於鄉。久不利。公車。謁吏部。選人。得黃陂令。政事清簡。其吏民愛。



而稱之滿三載以入覲畢事忽嘆曰使我束帶  
而見督郵孰與衣輕裕躡不備使蒼頭携一鵝  
夷從而臥馬鞍山足也請于吏部得致仕歸公  
為人好酒色六博不脩威儀而孝友忠信內行  
淳備任真推物喜施與甚有鄉曲間聲未六十  
而卒有子世仁以貲郎累官通判温州府類其  
父贊曰

仁不斲顯聊以染指產不營富取于足已善不近  
名冥冥而已酒色六博它人為累公行三昧以是  
游戲君子稱之達士之致

先世父布政司都事公諱情字民服別號靜菴  
先司馬公之長嫡也少以貲入大學其侍奉之  
日最長性謹愿無他好獨好授新聲童子使具  
粉黛為優戲晝夜翫之無厭又好構華屋壘山  
鑿池多時花木以至控產弗顧也不食酒然飲  
客恒至移旦夕居恒謂客不恨我不得作一日  
相公相公不得一日作我胃次坦洞無城府豁  
如也即有讐隙者見其急難惻然思極之矣卒



之年七十有八、有子四人、長詹事主簿世德、志行與父殊、而少子世望有父風、贊曰、

少而有游閑公子之樂、與名好色、與聲任性、達生與物無營、不起怨憎、意比所以壽考、令終無壽無頽也耶、

嗚呼、此我考御史大夫贈大司馬思質公之像也、公長身美姿、秀眉目、目光炯炯、射人貌之、僅得十六耳、貌而小之、僅得十四耳、小子何敢述焉、有少師李公春芳申公時行、御史大夫王公

廷少傳許公國、按察使李公攀龍之志、傳在為、稔、紀其畧如左、公諱 字民應、少而失質、庵公也、因自號思質、見志、舉進士、授行人司行人、選補江西道監察御史、皇太子將出閣、公列三事、其一崇師傳、一遊宮、而最後則以慎擇六局丞郎為言、獨詳于正德之亂、政而自青宮者、又劾罷縵師中、責人出按湖廣、糾吏必青、緞而止、靈寃滯、振網紀、悍璫不敢挾重、為虛尋、按順天府、治畧如湖廣、而嘉寬大、虜寇古北口、公策



邊必潰驟上書言狀而以通州要害身據之天子首得公疏以備虜事責大司馬大司馬皇恐謝罪而偵公方擐甲却敵睥睨間遂擢公右僉都御史治軍餉亦隨調亡之公乃上疏請城京師郭及通州張家灣又請毋益大營伍而增寘總督調邊土兵以拱衛都陵俱報可久之移撫山東會島寇大起改提督軍務巡視浙江及福興漳泉諸郡尋以重之改巡視為巡撫公乃選良將募卒製艘礪刃以必盡敵而後已嘗搃賊

于橫與已徼賊大洋皆破之已又大破賊松江郭解其圍公前後婁出奇制捷幕府上功次不張大以故僅婁得中賞而小不利即引咎亡蔽匿且不它諉天子終以公為忠再問相嵩不對時北虜寇雲中急手勅吏部進公右副都御史銜撫之盖用內閣大臣例也公發而浙吏民數萬人擁車哭竟日不得發至雲中疏請內帑金十餘萬以賑手自稽察度支郎不獲半合諸鎮破虜斬首過當進兵部右侍郎兼右僉都御



史遂轉左侍郎兼右副都御史總督薊遼保定軍務是為拒虜却之進右都御史賜金幣蔭一子世襲千戶自是稍與相嵩却矣初大司馬楊公博雅知公諸所斥陟邊將亡不取公意相嵩屈其賄而公又時時與客嘆嵩橫且敗奈國事何相嵩聞而益恨之次骨明年以虜入灣河奪一官其又明年却虜始復之自是所報功俱見却所賞不過金幣而練兵之議起矣始公以土著兵必不能抗虜名為美而實耗縣官廩相嵩謂公調兵為挾虜糜國土亦不能無疑公謀虜且大入上疏言之不報而虜果入既事定御史承風首論公病不任事遂逮公而公它將破遼左虜斬首至八百級亦不報而公遂不免最後不肯負言狀特賜洗雪復官嗚呼竟何及也公為人孝誠愷悌內行淳備寬仁喜施意豁如也與人交不為城府識士善任所委爭願為死讀書過目成誦為文有骨力尤長奏牘少師徐公階讀而善之以為諸葛武侯陸敬輿之流也居



官潔廉、謹出納、雖相高忌之甚、風給事御史伺  
其隱、卒不得、贊曰、

司馬之才、疇介而嫡、丁卯同生、少乃岐嶷、義方之  
誨、王母是職、長而又就、駁發五色、以儉成施、用德  
為力、義質禮行、高明柔克、愷悌君子、邦之目直、白  
簡浮疎、中璫辟易、清霜九夏、雄風七澤、燕市埋輪、  
左馮堅壁、清茹夕奏、狂胡削跡、惟帝所憑、師中三  
錫、飛粟川盈、伏芻山積、士飽思奮、馬亦騰蹏、衮衣  
東土、曾不暖席、閩越之間、島夷充斥、草創軍府、罄

我石畫、奔命東西、劇心夙夕、連城數十、手所覽、堅  
組練三萬、餘皇五百、翁若一身、臂指脅息、鯨鯢血  
波、烽燧少息、帝省雲中、移屯安國、捷書晝報、天顏  
宵懌、開府於檀、兼調兵食、遂長中臺、載領西掖、鎖  
鑰之寄、迫若加膝、挾纊溫綸、兼金大帛、思媚一人、  
損體靡郵、焉能剝民、養君蠹賊、甘言醜毒、頤氣矜  
戟、張網彌天、以縱鷙擊、功大不賞、謹微輒摘、天高  
聽卑、誰為察識、岳既遘秦、千亦中石、炎炎鑠金、耿  
耿化碧、翔陽麗霄、幽部亦晰、遺孤藐然、伏闕披臆、



帝曰吁哉。沈爾丹籍。太宰司馬。函書乃績。獲具威儀。以歸寔。嗟嗟造物。有豐有嗇。嗇者位壽豐者名德。府君之德。流而不溢。以潤子孫。食報無斁。食之無斁。痛亦靡極。再拜遺像。汎瀾鬱塞。

提學副使。願齋王公。世芳余從兄也。十八舉鄉試。又十六年而始成進士。授刑部主事。其婦父毛文簡公。時官大宗伯。天下推以為長者。而公避其重。乞南。得禮部。累遷吏部郎中。出知贛州府。以清簡為政。吏民化之。時詹事南海霍公。韜

貴幸甚。道經贛州。公待之無加禮。霍公既素耳。公名。心重之。以語太宰。方公獻丸。遷其省。按察副使。提督學校。公公廉。不發私書。而所汰斥。隄于進者。以故。願不得其士心。而不能有所訾于公。會人主用輔臣言。改先師像為木主。殺其禮。公獨緩之。不肯下。總督錢如京言之。調江西兵備副使。公遂拂衣歸。不肯赴。得旨下江西獄。具坐間住。後以詔恩復官。竟不起。卒年六十一。公長身豐順。秀眉目。食兼數人。能于士大夫間。持



前輩却侃侃如也。江南守令勢日重，所部毋論貴賤，趨事恐後。公畧行其意，自若然，莫有睚眦之者。而慰薦亦少矣。贊曰：

避貴若浼，望乃歸，偃蹇朝，執官不衰，持經崇聖，抗帝威，引分自高，世趨卑，一介不復，勢所宜。

先兄溫州倅前川先生故黃陂府君子也。諱世仁，字君美，生而孝友忠厚，與人交尤坦易。胸中無榮棘，少以例補國子生，四十謁選，得分宜丞，遷江西布政司都事，轉福建都司，斷事，超通判。

溫州府無何引疾歸。君故好食酒蒲博，日召客為俠游，家稍稍挫。既入官，即自筮飾。先大司馬雖季父，行與同生，甚相得。所居官皆得司馬公力。既公為權奸所中，君曰：悲思哭位無度，遂備疾以卒，年僅五十有四。今像不甚肖，當是沒後所寫者。贊曰：

愿而文，坦以有容，性不習吏于官，乃通其末俗之長者，而贊郎之雄乎。官之通由司馬公生而同死而同，是曰始終。



吾弟南京太常少卿敬美者諱世懋別麟洲又  
 號摸齋或曰塙東生二十四成進士以家難歸  
 卧者幾十年召補南儀部主事轉北儀部員外  
 郎歸守母喪服除補祠部改尚寶丞出為江西  
 右叅議轉按察副使改督陝西學事移疾乞歸  
 起督浙江學不應再起督福建學遷其省左叅  
 政入為今官病復請告歸卒年五十三吾弟生  
 而白皙及長美風神眉目如畫性明穎以經術  
 稱諸生間尋益讀先秦東西二京詔而專精古

文辭餘事乃及筆札李于麟親而奇之每貽書  
 予不憂阿奴火攻耶蓋機雲二蘇之目所繇矣  
 孝友天至篤倫理晚進尤惜名檢庭闈之內肅  
 如也前後居官必著聲實為上下所愛重其于  
 閩學標水鑑矣然竟以勞瘁棘中感壹疾遂不  
 起敬美志大雅已得文章名不欲居之窮探六  
 籍傍及二氏有所綜覈裁訂彬彬成一家言其  
 于吏道尤精識治體工物情使其不死何可量  
 哉死之日海內紳衿靡不有蘭摧玉折之嘆若



不佞則有慟而呼祝余而已。嗟乎，余長于敬美十年，齒髮禿落，尚不死，而使敬美前死也。余生平姓名在人齒類間，數起躐以竽濫八坐，第于中正之品，考功之令，歟矣，而不獲正九列人耶。天耶，余故不忍贊敬美像，又烏能不贊敬美像也。贊曰。

三補吏而三師帥諸生，歷署外中，厥銜若冰，有瑜無瑕，皦然其名，其所收乎人者，乃大逾于若兄。品登三而不足，褒歎之而僅餘，有志不遂，中道殞殂，其所得於天者，乃不汝兄如。天所予奪，吾不能督，而不能不汝惜。人所月旦，吾不能知，而不能不汝悲。非汝之像，何以寬我思。觀汝之像，使我淚若綆，縻嗚呼，貌而筭焉，時一展之。

故禮部儀制司主事君任用者，余五服外孫也。長于余二十五年，而同薦于公車。君既久試不利，然益治經術，工屬文，遂為禮部第二人。初授太常博士，遷禮部儀制司主事，奉使歸倭寇倅圍城，君佐其令，晝夜行睥睨間，寇退而有間令。



于御史者君冒暑入謁為辨絮且憤不相得而  
出明日御史為具召君於席感病扶携出就逆  
於中遂卒年之十四君為人外朴而內辨於郎  
署中最有長者聲母項以節被旌君年雖父猶  
依依膝前作孺子戀也蓋後君數年而以壽終

贊曰

以君之工時義何不可遇而栖遲至暮噫嘻天乎  
胡予之緩而奪之遽

故光州守警齋君者諱三錫汝懷儀部任用之

從弟也少穎敏工時義連舉嘉靖己丑進士守  
光州時年二十五有幹辦才吏民稱之然用仇  
直多忤上官中以法罷歸君時未三十念官不  
振無以資生乃杜門節腹不通世事者久之積  
貲累數千金父封公卒分橐裝甚厚君獨不取  
其為人朴實無他腸然不能齟齬諧俗故少搢  
紳聞聲而問黨後進多推為長者晚節稍自媿  
日與親知置酒山水間人咸異之卒年七十孫  
泰亨臨亨俱博雅有文藻臨亨亦己丑進士贊



曰。不取不予。遠名遠刑。始而治生。既而達生。何以占德。振振繩繩。

河東都轉運鹽使司運使少葵君者。名三。接字汝康。以進士為長垣令。調浙之景寧。遷南京禮部祠祭司主事。久之。進郎中。出守柳州。再徵。江遷河東運使。以大計中白簡歸。君居官能持三尺。不阿徇。不喜作面背交見。若以為傲者。故所至有聲實。而易受人中。自令以至守。凡甫被調。

甫顯重。而遽斥。君之得斥。僅五十。歸得奉其父母。終及侍。况光州。君以老恂恂。濟濟。出入頗為後進模楷者三十餘年。而卒。卒之年八十三。今之像。先而修勁。飄鬚臙頰。福德人也。贊曰。

若工而拙。達不勝沮。工於民宜。拙于上忤。晚途敬脩。其善可數。鄉之祭酒。俗之長者。

奔州山人續稿



卷六十一

紀切連法 三二

瑞貴傳費報

十三冊之四

撰出卷之六十一

入庫

Vertical columns of faint text on the right page, likely bleed-through from the reverse side.



卷之十

公孫黑肱

晏嬰論贊

贊海卷之十

人事

附錄贊

公孫黑肱晏嬰論贊

明張恒

亂

辭

鄭公孫黑肱疾召室老宗人立段使黜官薄祭  
 歸其餘邑于公曰吾聞之生于亂世貴而能貧  
 民無求焉可以後亡敬共事君與二三子生在  
 戒不在富也齊慶封亡與晏子叩殿辭且對  
 子尾有曰夫富如布帛之有幅焉為之制度使  
 無遷也夫民生厚而用利于是乎正德以幅之  
 謂之幅利利過則為敗吾不敢貪多所謂幅也  
 尚矣哉二子善自謀矣吾聞之善人富謂之賞



贊海卷之卒

人事

附錄贊

公孫黑肱晏嬰論贊

明張恒

鄭公孫黑肱疾召室老宗人立段使黜官薄祭歸其餘邑于公曰吾聞之生于亂世貴而能貧民無求焉可以後亡敬共事君與二三子生在敬戒不在富也齊慶封亡與晏子叩殿辭且對子尾有曰夫富如布帛之有幅焉為之制度使無遷也夫民生厚而用利于是乎正德以幅之謂之幅利利過則為敗吾不敢貪多所謂幅也尚矣哉二子善自謀矣吾聞之善人富謂之賞

亂

子



淫欲

淫

懷

欲

屬斲

欲

淫人富謂之殃夫利欲殃之孽也利與欲適足者為富有餘為孽淫人以有餘為不足而務封之若厝火必炎若擁水必潰祇自殃耳善人敬共以事君正德以幅利天祚之君信之民懷之其賞也功懋其不自賞也德懋其以德居功也福懋即貴而貧也君子必謂之德富贊曰

嗟今之人熙熙攘攘策足結駟與利來往欲流如泉心屬於鏹命富曰福斲于克享府怨賈尤報亦不爽達人取給超然俯仰幅利坊欲漸彼世塊克

敬克戒維仁是杖靡有浮雲太虛若幌伯張平仲

千秋猶朗

明志福











喧喧

亦

息、雖齒而趨、驅焦勞力竭、而飢凍繼之、浮民姦  
我利、非賢盜我食、何嘗少得佑助、徒俾日攻之、  
故謂令德日埋、窮兵亦私、未途喧喧、而大本取  
弊者、於斯也哉、非有大聖正智、其誰極之歟、漢  
洗秦弊七十年、武威文經、漸被四海、以高祖之  
仁、文帝之儉、尚不能推民壽鄉、切磨三代、加於  
武皇、事威窮侈、四十年間、民力周半、亟下富民  
之詔、尊為上公之號、憂勞誠思、赤至矣乎、徒知  
民富而後國昌、不知國正而後民治、吁、不能師

三代育民之法、以事末術、良可悲矣、亦由止奔  
流之舟、雖萬斯篙、未若五尺之纜之要也、療已  
弊之民、雖百斯術、未若一正其本之仁也、嗚呼、  
未塗未塞、本弊不正、欲民富國昌者、未之有也、  
漢雜霸道、史或過矣、余愛其君有富民之志、臣  
榮富民之號、又憤不能開通之、因附史氏作贊、  
以矯之、贊曰、

五后之世、事簡而民靜、夏商周之世、事正而民治、  
故貧富之名、稀所稱焉、三代之季、四人亂倫、百途



競新，蚩蚩餓死，無階休存之，遂使抱仁義智能者，易以要功於其間。如武皇帝命富民侯，又如何哉？又如何哉？

宋文德 七十五

管寧論贊

明 張恒

魏太尉華歆數薦處士管幼安于朝，又請以已位讓之，屢徵不就。嗟夫！幼安與歆少嘗割席于師門，曰：子非我友。其志操若緇素然，胡可強而合也。魏太尉雖貴，何以異于曩所見之遺金乎？歆吊名于始，故捉而擲之。晚節渝矣，吾知其耽耽逐逐，安能復擲此官。即使讓意是真，迺欲以公麼穢秩恩，而辱夫揮鋤不顧瓦礫視金之人哉。夫以操丕篡弒之餘，歆也効逆，諸世弁髦生



平而乃欲屈遠東老處士與之併肩接迹于偽朝悖矣贊曰

遐哉遠之東乎皂帽布襦華門環堵聊偃息而回窮乎割席已久奈何欲假太尉之席而渝處士之素風乎千秋有青史魏太尉有餘辱而老處士有餘榮乎

明志稿

張筠論贊

明張恒友

張子明養志不仕肥遁常山紹辟操徵皆不就門徒常數百人魏青龍間張掖寶石負圖詔以其事班天下於綽齋以問子明子明密語綽曰夫神以知來不追已往禎祥先見而後廢興隨之此石當今之變異而將來之禎瑞也其言卒驗迨及正始元年戴鸞鳥巢于子明之門陰子明知其為已也援琴歌詠作詩二篇旬日卒年一百有五歲易曰不事王侯高尚其事詩曰黃



荀台背以引以翼壽考維祺書曰攸好德考終命子明兼之矣贊曰

炎劉末造幽人載逃偽命何來維袁暨曹咨嗟漢孽熖若赤燦士有志尚常山比高偕爾生徒以肆以敖存神葆光歲寒後彫爾門之陰戴鷲來巢援琴詠詩逝也逍遙

明忠稿全

孔明正議贊

張恒前人

魏華歆王朗輩遺書孔明俾蜀舉國稱西藩孔明作正議以斥之方歆朗諸人若崇竦稱莽功而盛引世祖昆陽之旅以為據道討淫不在眾寡已迺奉後主詔聲曹氏篡逆之罪而戎之拜表伏鉞大義較然魏震懾披靡若弗克支焉者此豈力不足哉師直為壯戰義則順夫魏亦逆而屈焉耳嗟乎天有常道義士力能顯扶之天有不常之運忠臣力不能長挽之第扶一日即



世道一日之幸。挽一日。即國祥一日之延。卧龍  
起昭烈興。此挽之之力也。祁山出義旗。揚此扶  
之之力也。至營星遙隕。而扶之挽之之人已矣。  
第有盡者。挽國運之力。不滅者。扶世道之心。久  
仲子曰。孔明不死。禮樂猶與予曰。孔明雖死。義  
心猶烈。贊曰。

大漢二祖興也。忽焉締造恢復。赤髯長然。嗟嗟我  
微厥趾。斯顛。逆臣染指。父竊子遷。先主伸義。卧龍  
佐旃。時屯勢裕。業限于偏。主憑玉几。屬相以言。漢  
賊兩立。維爾之愆。相拜稽首。力敢弗宣。爰作正議。  
與日俱懸。二表奕奕。六師桓桓。賊魄三禡。漢祚克  
延。悲哉營星已矣。炎烟帝祚。雖訖天綱。靡刊凜凜  
烈烈。億萬斯年。

明志稿全上



傷  
可  
行

天厭鼎峙，蜀滅魏改。錫晉羊公，以同四海。儒儒衣  
登壇，嶽鎮荆蠻。十萬之衆，從公而閑。逍遙峴陽，傲  
視勅敵。用仁為間，出入無迹。吳國雖守，吳心已降。  
吞于胃中，不見大江。勤物忘己，樂天知命。留功遺  
人，國愈身病。江漢舊域，德膏潛蒸。化行兵中，兵息  
化興。策雖平吳，道不相晉。永嘉南遷，豈曰泯泯。

續羊叔子傳讚

唐 呂溫

（Faint bleed-through text from the reverse side of the page, including characters like 羊叔子, 錫, 蜀, 魏, 晉, 吳, 荆, 蠻, 峴, 陽, 吳, 心, 已, 降, 吞, 于, 胃, 中, 不, 見, 大, 江, 勤, 物, 忘, 己, 樂, 天, 知, 命, 留, 功, 遺, 人, 國, 愈, 身, 病, 江, 漢, 舊, 域, 德, 膏, 潛, 蒸, 化, 行, 兵, 中, 兵, 息, 化, 興, 策, 雖, 平, 吳, 道, 不, 相, 晉, 永, 嘉, 南, 遷, 豈, 曰, 泯, 泯.)



大... 人... 子... 好... 登... 天... 鼓... 武... 九

狄梁公立廬陵王傳讚 并序 唐 呂溫 為

梁公以武氏篡盜國命如綴翊安宗社非我而誰是用蒙大耻履大險聳節振義以持世心閉高祖天下於方寸之地盜力雖盛莫之敢窺唐復為唐繫公是賴後代昧者頗歸功於五臣殊不知五臣之功公所授也客有以李北海所傳示予者述廬陵廢立之際見公如生貽諸將來可以不惑敢摠憤而讚之詞曰於休梁公社稷之臣濡迹應變與唐屈伸妖虹橫



天鳴牝專晨獨立大道指南生人闔闢有期命先  
我時乃建國本代天張機取日震泉洗光咸池潛  
授五龍夾之以飛臨終指麾皇業再基運起身後  
功成不知穆若清風巍然宏規凡為臣者可不度  
思之上

文天祥論贊

明張恒

嗚呼殘宗孱主區區延一息于窮壖絕島之中  
其亡無日天祥自潤亡真間關航海歷九死而  
歸命君所必與之偕滅而後心乃弗疚此其視  
刀鋸鼎鑊奚啻如飴而隨虜而北淹逾三載始  
克遂志抑何濡遲也夷齊耻周不食其粟天祥  
不食八日矣已而復食豈羶胡之粟猶足隱忍  
湏臾耶曰忠臣必不冥冥苟生烈士必不沒沒  
苟死宋亡則宋臣與之俱亡第宋臣為宋死當



履  
仇  
遷  
執

明白死于青天白日之下，身首橫分于一時，丹  
心照耀于千古，而後吾事畢矣。如徒絕粒吞聲，  
襲匹婦自經之迹，此與死牖下者，豈甚相遠哉。  
抱恨樓居，足不履地，若曰是仇虜之土，吾何忍  
以故宋孤臣之足履之，此意真與夷齊同軌，第  
未遑絕食，以俟烈烈死耳。成仁取義，其贊藏之  
衣帶中非一日矣。我中華自古及有宋，衣冠禮  
樂至此盡染于胡塵，而猶有一人扶之，厥功懋  
焉。贊曰：人稱贊

肇惟開闢，大界華夷。億萬斯年，胡元紊之。天墜厥  
統，地絕厥維。凜乎正氣，克奠兩儀。烈烈信國，立臣  
之彝。

明志稿







稱

優

燭

臣陵君替若羽之于義帝直謂我家所立耳夫  
君為天為父置由已廢由已弒由已尚可稱臣  
子尚復有天常乎大明惟天所授藉令一朝而  
君小明難乎暫臣也難乎長臣也難乎名臣而  
實弗臣也尤難乎臣始而不臣終也基一言上  
順天意下定人心黜不正之名植不易之紀揭  
日月而奠乾坤俾我高皇克正厥初克燭千古  
軼大漢邁殷周而追續虞夏故愚以為基卓識  
宏議優于董公一代元臣鮮有儷者贊曰

秉  
焚  
茂

易隆天澤凜不可越惟名惟義如日斯揭草昧鹵  
莽冠履攸蔑蠢茲么麼微若螢末一朝嚮之背弗  
及夕即晦即明間不容髮天幄厥衷爰有良畫正  
始指南曰誠意伯

明志揭同上



聖賢論贊

先師

高攀龍

顏之仰鑽瞻忽曾之江漢秋陽思之敦化川流孟  
 之金聲玉振宰我謂賢於堯舜子貢有若謂自生  
 民未有是皆智足知聖未若夫子自言知我其天  
 天不可知聖不可知蕩蕩乎其孰能名之  
 顏子

筆瓢陋巷是何胸次博文約禮是何脩持不遷不  
 貳是何力量是之謂不違仁識仁者當識顏子所



以為仁

曾子

一貫者子之悟道也。大學者子之傳道也。絜矩又何不貫之者。故格物者格知天下之為一物也。物格而一以貫之矣。

子思

非仲尼則堯舜之道不傳。子思則仲尼之道不傳。所傳何道也。中庸也。非未發一語則中庸之道不傳。一語為千古知性之竅。知此之謂知性。復此之

謂復性。盡此之謂盡性。

孟子

何以必道性善。是人人本也。何以必稱堯舜。是性善實證也。試看不學良知不慮良能。塗之人與堯舜有針芒不合否。非也。篇昭揭則人人寶藏千古沉埋。

濂溪先生

先生三代以後之聖人乎。無轍跡可尋。無聲臭可即。與極太極太極無極。是之謂易妙於未畫。聖人



洗心退藏於密以此

明道先生

大學聖學也中庸者聖心也匪繇聖學寧識聖心  
發二書之秘教萬世無窮者先生也淵乎微乎非  
先生學者不識天理為何物矣不識天理不識性  
為何物矣是儒者至善極處是佛氏毫釐差處

伊川先生

發育萬物峻極於天先生之道通於天地禮儀三  
百威儀三千先生之道備於一身釋有普賢人知  
尊之儒有伊川人思議之礙其欲也人欲肆而防  
之者禮學如先生乃曰克己復禮

橫渠先生

洋洋乎盈眸而是者何物也易也子輿以浩然名  
氣先生以太和名易浩然者太和之充於四體太  
和者浩然之塞乎天地匪是不為知道不為見易  
故曰周公才美智不足稱

晦菴先生

刪述六經者孔子也傳註六經者朱子也子以四

學者

淵

毫釐

欲







武明章以來出者則能內貫朝揆外播五教贊和  
鼎味經綸治要上荅太階下允民照處者則利居  
盤桓皓然玄蹈天爵翫之人壽則笑懸車門肆夷  
惠齊紹若斯之倫海內服其英名洙泗方其煥耀  
矣故曰漢徵八士蜀出其四又曰漢具四義蜀選  
其二可謂不衆乎然巴麗晉君安以儒學典雅稱  
於孝蜀郡張俊策問尹方不出五經常議健為呂  
孟有託孤之節若茲之類郡邑往往垂象刊名有  
苗裔瓊晚生亂故老以沒莫所咨質不詳其事但

八  
依漢書國志陳君所載凡士女二百四十八人而  
已後賢二十人合二百六十八人以示來世之好  
事者如能詳其遺脫及有可書願附于左其傳志  
父祖子孫及有名失事失官位者不列寧州人士  
亦不列別為目錄至晉元康末凡三百九十二人  
也



三國名臣序贊

晉表宏

夫百姓不能自治，故立君以治之。明君不能獨治，則為臣以佐之。然則三五迭隆，歷世承基，揖讓之與干戈，文德之與武功，莫不宗匠陶鈞，而群才緝熙，元首經略，而股肱肆力，遭離不同，跡有優劣。至於體分異固，道契不墜，風美所扇，訓革千載，其揆一也。故二八升而唐朝盛，伊呂用而湯武寧，三賢進而小白興，五臣顯而重耳霸。中古陵遲，斯道替矣。居上者不以至公理物，為

唐文選



下者必以私路期榮御圓者不以信誠率衆執  
 方者必以權謀自顯於是君臣離而名教薄世  
 多亂而時不治故蘧寧以之卷舒柳下以之三  
 黜接輿以之行歌魯連以之赴海衰世之中保  
 持名節君臣相體若合符契則燕昭樂毅古之  
 流也夫未遇伯樂則千載無一驥時值龍顏則  
 當年控三傑漢之得材於斯為貴高祖雖不以  
 道勝御物羣下得盡其中蕭曹雖不以三代事  
 主百姓不失其業靜亂庇人抑亦其次夫時方

顛沛則顯不如隱萬物思治則默不如語是以  
 古之君子不患弘道難遭時難遭時不難遇君  
 難故有道無時孟子所以咨嗟有時無君賈生  
 所以垂泣夫萬歲一期有生之通塗千載一過  
 賢智之嘉會遇之不能無欣喪之何能無慨古  
 人之言信有情哉余以暇日常覽國志考其君  
 臣比其行事雖道謝先代亦異世一時也文若  
 懷獨見之明而有救世之心論時則民方塗炭  
 計能則出魏武故委面霸朝豫議世事舉才不



以標鑒故久之而後顯籌畫不以要功故事至  
 而後定雖亡身明順識亦高矣董卓之亂神器  
 遷徧公達慨然志致命由斯而談故以大存  
 名節至如身為漢隸而跡入魏幕源流趣舍其  
 亦文若之謂所以存亡殊致始終不同將以文  
 若既明教有寄乎夫仁義不可不明則時宗舉  
 其致生理不可不全故達識振其契相與弘道  
 豈不遠哉崔生高朗折而不撓所以策名魏武  
 執笏霸朝者蓋以漢主當陽魏后北面者哉若

乃一旦進重君臣易位則崔子所不與魏武所  
 容夫江湖所以濟舟亦所以覆舟仁義所以全  
 身亦所以亡身然而先賢王摧於前來哲攘袂  
 於後豈非天懷發中而名教束物者乎孔明盤  
 桓俟時而動遐想管樂遠明風流治國以禮民  
 無怨聲刑罰不濫沒有餘泣雖古之遺愛何以  
 加茲及其臨終顧託受遺作相劉后授之無疑  
 心武侯處之無懼色繼體納之無貳情百姓信  
 之無異辭君臣之際良可詠矣公瑾卓爾逸志



不群、總角料主、則素契於伯符、晚節曜奇、則參  
分於赤壁、惜其齡促、志未可量、子布佐策、致延  
譽之美、輟哭止哀、有翼戴之功、神情所涉、豈徒  
蹇諤而已哉、然而杜門不用、登壇受譏、夫一人  
之身、所昭未異、而用舍之間、俄有不同、況沈跡  
溝壑、遇與不遇者乎、夫詩頌之作、有自來矣、或  
以吟詠情性、或以述德顯功、雖大旨同歸、所託  
或乖、若夫出處有道、名體不滯、風軌德音、為世  
作範、不可廢也、故復撰序、所懷、以為之贊云、

處軌

諤

參

魏志九人、蜀志四人、吳志七人、荀彧字文若、諸  
葛亮字孔明、周瑜字公瑾、荀攸字公達、龐統字  
士元、張昭字子布、袁渙字曜卿、蔣琬字公琰、魯  
肅字子敬、崔琰字季珪、黃權字公衡、諸葛瑾字  
子瑜、徐邈字景山、陸遜字伯言、陳羣字長文、顧  
雍字元歎、夏侯玄字泰初、虞翻字仲翔、王經字  
承宗、陳泰字玄伯、

肅權

火德既微、運纏大過、洪飈扇海、二溟揚波、虬虎雖  
驚、風雲未和、潛魚擇淵、高鳥候柯、赫赫三雄、並迴

淵



乾軸競收杞梓爭采松竹鳳不及栖龍不暇伏谷  
無幽蘭嶺無亭菊英英文若靈鑒洞照應變知微  
探蹟賞要日月在躬隱之彌曜文明映心鑽之愈  
妙滄海橫流玉石同碎達人兼善廢已存愛謀解  
時紛功濟宇內始救生人終明風槩公達潛朗思  
同眷蔡運用無方動攝群會爰初發跡違比顛沛  
神情玄定處之彌泰惜惜幕裏筭無不經疊疊通韻跡  
不暫停雖懷尺璧顧晒連城知能極物愚足全生  
郎中溫雅器識純素貞而不諒通而能固恂恂德

心汪汪軌度志成弱冠道敷歲暮仁者必勇德亦  
有言雖遇履虎神氣恬然行不脩飾名跡無愆操  
不激切素風愈鮮邈哉崔生體正心直天骨踈朗  
牆宇高巍忠存軌跡義形風色思樹芳蘭剪除荆  
棘人惡其上時不容哲琅琅先生雅杖名節雖遇  
塵霧猶振霜雪運極道消碎此明月景山恢誕韻  
與道合形器不存方寸海納和而不同通而不雜  
遇醉忘辭在醒貽答長文通雅義格終始思戴元  
首擬伊同耻民未知德懼若在已嘉謀肆庭謹言



淵  
卷假

盈耳玉生雖麗光不踰把德積雖微道映天下淵  
哉泰初字量高雅器範自然標準無假全身由直  
迹濤必偽處死匪難理存則易萬物波蕩孰任其  
累六合徒廣容身靡寄君親自然匪由名教教授  
既同情禮兼到烈烈王生知死不撓求仁不遠期  
在忠孝玄伯剛簡大存名體志在高構增堂及陛  
端委虎門正言彌啓臨危致命盡其心禮堂堂孔  
明基宇宏遠器同生民獨稟先覺標榜風流遠明  
管樂初九龍盤雅志彌確百六道喪干戈迭用苟

亂隆

羈命

淵

却

非命世孰掃雰宗子思寧薄言解控釋褐中林  
鬱為時棟士元弘長雅性內融崇善愛物觀始知  
終喪亂備矣勝塗未隆先生標之振起清風綢繆  
哲后無妄惟時夙夜匪懈義在緝熙三略既陳霸  
業已基公琰殖根不忘中正豈曰摸擬實在雅性  
亦既羈勒負荷時命推賢恭已久而可敬公衡仲  
達秉心淵塞媚茲一人臨難不惑疇昔不造假翻  
邦國進能徽音退不失德六合紛紜民心將變鳥  
擇高梧臣頌<sup>備</sup>公瑾英達朗心獨見披草求君定



交一面相相魏武外託霸迹志掩衡霍恃戰忘敵  
 卓卓若人曜奇赤壁三光參分宇宙暫隔子布擅  
 名遭世方擾撫翼桑梓息肩江表玉畧威夷吳魏  
 同寶遂獻宏謨匡此霸道相王之薨大業未純把  
 臂託孤惟賢與親輟哭止哀臨難忘身成此南面  
 寔由老臣才為世出世亦須才得而能任貴在無  
 猜昂昂子敬拔跡草萊荷擔吐奇乃構雲臺子瑜  
 都長體性純懿諫而不犯正而不毅將命公庭退  
 忘私位豈無鵲鶴固慎名器伯言蹇蹇以道佐世

出能勤功入能獻替謀寧社稷解紛挫銳正以招  
 疑忠而獲戾元歎穆遠神和形檢如彼白珪質無  
 塵玷立上以怕匡上以漸清不增潔濁不加染仲  
 翔高亮性不和物好是不羣折而不屈屢摧逆鱗  
 直道受黜嘆過孫陽放同賈屈詵詵衆賢千載一  
 遇整轡高擢驥首天路仰挹玄流俯弘時務名節  
 殊塗雅致同趣日月麗天瞻之不墜仁義在躬用  
 之不匱尚想重暉載挹載味後生擊節懦夫增氣







弘玄先生自序贊

明 歸有光

贊曰、弘玄先生老而貧、日以著述為事、出無輿、從一童子、挾書自隨、步履如飛、問以所序生平、示予者如此、可以知其志之所存矣、先生以國子士舍生、倅霍邑夷陵、今世為官、恥不出進士、不肯為盡力、人亦以非進士待之、雖有志、終不獲見、故予復述先生為兩州之迹、其志有足悲者、使為進士、豈非世之所稱才賢者哉、初山西旱饑、命先生賑河東、蒞陸渙、夏蒲解、三十州縣、使一武官輦致銀數



萬兩而懷仁王府祿米久逋王使人筭入府已剖  
鞠出銀先生使人言曰天子憐晉人飢故空帑藏  
以活之今民旦暮死王奈何取以為已奉即天子  
聞王何以處王大慚懼完鞠還武官至則出銀堆  
排阜上吏兩旁立稱停裹紙各書其人姓名壹不  
涉手以次俵散民歡呼歌舞晉人以甦敕下行省  
有羊酒文綺之賜王府在霍城中宗室常數百人  
來索祿米乘垣騎危呼曰今日不得米飢死焉先  
生與之言氣和而剛諸儀賓或曰判官言是也盍

少去待司符下給我米矣宗室皆曰然相牽携而  
去霍有荒田三千餘頃歲責逋賦里甲先生發廩  
粟千石予里甲代耕歲大熟收麥數千監司詬之  
曰若何等官也遂自擅命發廩耶然而鈎考籍記  
甚明不能加罪也至今霍無逋賦且人得私其贏  
以為利焉夷陵三四月多火災火發有類若烏者  
羣飛銜火至他屋處處皆焚山海經所謂畢方者  
也然非如鶴一足赤父而白喙者柳子厚逐畢方  
父蓋未嘗見先生所見實烏也先生夜夢一人白



袍烏巾。翹右足。旁有一人言曰。此白將軍也。旦日民列狀請建大神廟。先生曰。吾夜夢乃秦武安君耳。先是州有四緇榭通衢。四出皆已燔。先生建三重樓。設鐘簾樓中。為武安君像而祀之。火患遂息。豈數千年尚燒夷陵耶。然神怪不可究知。子產實沈臺。駘黃熊之論。非誣也。樓上望西陵石鼻天柱諸山。層巒疊嶽。如翠屏。李太白所謂巫山夾青天者。可以憑檻得之。而飛帆蕩槳。出没于蓮沱漩島之間。極荆楚之勝觀矣。秭歸治楚臺山上。久雨水

壞石土危城欲墜。議欲遷州。先生時攝守。為之刊山麓。決沮洳。自陝波溝。縱橫而出之。水工費而人不疲。州遂不遷。白將軍樓歸州街。渠記皆先生自為。父車駕南巡。省檄統領。夫萬人止居飛龍殿。每一念至。即如陵上。不以朝暮。聞礮聲。輒發輦夫。皆集。無失期。諸貴人率來取役。輦夫先生小冠。匿他所。諸貴人皆不得取。送駕至樊城。大鴻臚揭簿呼名。先生與郡太守以下皆先歸。有旨事過界不問。會天子已至鄧。故免譴。其後有按察司官責先



生以避事官實後代不知此時事先生具言統領  
輦夫時常懼不免死官為默一日被檄至施州治  
獄施去江陵數十里南出夜郎平時於郡但以文  
書羈縻無官長來見者其帥以百鎰金置苞茗中  
餽却之夜宿僧寺蕭然賦詩有暗宰如白晝之語  
都御史顧公璘聞而歎獎之夷陵故有黃陵廟而  
城北夾河亦有風濤之阨先生為作黃陵行祠按  
黃陵在今巴陵所謂瀟湘之尾洞庭之口而歐陽  
公但有黃牛峽祠詩故東坡述公丁元珍之夢及

石馬繫祠門之句勒石祠下而先生云特黃陵廟  
旁有黃牛祠耳蓋不知何年而變也會陞開建令  
不肯赴僦舟還吳以舟輕夷陵人舁大石鎮之先  
生意忻然以自擬吳鬱林太守云

震川集



Vertical columns of handwritten Japanese text in a traditional style, likely a manuscript or official document. The text is arranged in approximately 12 columns, reading from right to left. The characters are dark ink on aged, yellowish paper. The text is mostly illegible due to fading and the quality of the scan.



